



Мамлакат бедарвоза эмас

Ҳа, худди шундай бўлди. Энди ўғрилиқ, халқ ҳақида хиёнат қилувчи кимсалар аҳволига маймунлар эмас, уйда унинг эсон-омон қайтишини интизорлик билан кутаётган умр йўлдоши, жажжигина ўғил-қизлари йиғлайди. Ким бўлганда ҳам ота-да, кўз ёши тўкишиб, терговчи олдида боришади. Ялинишади, ёлворишади. Лекин қонун бор. У ҳеч кимга ён босмайди, ҳеч кимни кечирмайди ҳам...

Баъзилар жонини қийнамасдан бой-бадавлат яшамокчи бўлишади. Чучварани жом санашганини эса боши бориб деворга текканидан кейингина билишади. Афсуски, бундайлар айна танқислик давом этаётган шу кунларда кўпаймоқда. Лекин халқ посбонлари ҳам қараб ўтиришганлари йўқ. Айниқса, Боғот тумани ички ишлар бўлимининг давлат автомобиль назорияти ходимлари сергак туришиб, эгриларнинг пайини қирқашаяпти.

1991 йилнинг 12 декабри. Милиция старшинаси Қўзибой Отажонов, ДАН катта инспектори милиция катта лейтенанти Аҳмаджон Раҳимбоевлар Урганч шаҳри томондан ўқдек учиб келаётган «КамАЗ» белгили юк автомашинасини тўхташтирган. Қўшқўпир туманининг Чапаев номи жамоа хўжалигига қарашли бўлган 50—45 ХЗЛ давлат рақамли бу автомашинада (ҳайдовчи Ражаббой Ортиқов) бир тонна товук гўшти бўлиб, пинҳоний юк ҳеч қандай рухсатномасиз Туркманистон Жумҳуриясининг Нефтезаводск шаҳрига элиб қўймоқчи бўлинганлиги аниқланди. Қўлга туширилган 14 минг 700 сўмлик маҳсулот Боғот тумани

матлубот жамиятига қарашли умумий овқатланиш корхонасига давлат баҳосида топширилди.

1991 йилнинг 13 декабри кун кеч соат 24 ларда ДАН инспектори Рузбой Мавлонов ҳамда катта инспектор Баҳром Жуманиёзовлар Урганч шаҳри томондан йўлга чиққан 3 та «КамАЗ» белгили юк автомашинасини текширишди. Гурлан туманидаги «Коммунизм» жамоа хўжалигидан 19,5 тонна гуруч олиб кетилаётганлиги маълум бўлди. Қонунга ҳилоф равишда ортилган 175 минг сўмлик тансиқ масал-



НАЗОРАТ КУЧАЙТИРИЛДИ

лиқ вилоятда сотиш учун қолдирилди.

Боғот тумани ИИБ ДАН ходимлари томонидан амалга оширилган мақтовга сазовор ишларни кўплаб келтириш мумкин. Уларнинг ҳушёрлиги, вазифаларига масъулият билан ёндашишлари туфайли юзлаб тонна қишлоқ хўжалик маҳсулотлари вилоят ҳудудидаги дўконлар пештахталарини бойитмоқда. Ўтган йилнинг декабридаги атиги ўн кунда 493 минг 776 сўмлик қишлоқ хўжалик маҳсулотларини четга чиқиб кетишининг олдини олдилар.

Туман ДАН ходимлари шу йил январь ойидан бошлаб назоратни қатъий кучайтирдилар. Натижада яна кўплаб халқ ҳақида хиёнат

қилувчилар қўлга тушди.

23 январь кун ДАН инспектори Оллаберган Вобожонов «МАЗ-54323» белгили 78—44 ЧРА давлат рақамли автомашинани кўздан кечирди. Чоржўй вилоятидаги химия заводига қарашли автомашина ҳайдовчиси Исмоил Давлетовнинг 15 тонна гуручга «ишқи» тушгани аён бўлди. Келишилган баҳодаги 180 минг сўмлик маҳсулот юкланган машина рули орқага бурилди.

— Кейинги пайтларда, — дейди Боғот тумани ички ишлар бўлими ДАН катта инспектори милиция катта лейтенанти Аҳмаджон Раҳимов, — қишлоқ хўжалик маҳсулотларини хуфёна равишда четга оширишга уриниш ҳоллари кўплаб содир

бўлмоқда. Қинғирликка қўл ураётган кимсаларга нисбатан тегишли чоралар кўриламиз. Аммо баъзилар тўғри хулоса чиқармасдан яна эски «хунари»ни ишга солмоқдалар. Уларнинг ўғрилардан, юлғучлардан ҳеч қандай фарқи йўқ. Шунинг учун уларга вақт борида нафсингизни тийинг, дегим келади.

ДАН катта инспекторининг гапи ҳақ. Ахир, қачонгача халқ ризқини қийиб кун кечириб мумкин?

Худойберди ЖАВБОРОВ.

СУРАТДА: Боғот тумани ички ишлар бўлими ДАН катта инспектори Аҳмаджон Раҳимов инспектор Қўзибой Отажонов билан галдаги режалар ҳақида маслаҳатлашиб олмоқда.

Жумабой ҚОЗОҚ суратга олган.

Айваллари шаҳарнинг дарвозаси йўқ эди. Собия иттифоқнинг қайси бурчагидан бўлса ҳам юртимизга ташриф буюриб, ўзимизга етмаётган мол-мулкнинг арзон-гаровга сотиб олиб кетишлари мумкин эди. Ниҳоят, пул моддий неъмат эмаслигини, нари борса бир парча қороз эканлигини тушуниб етдик. Жумҳуриятимиз мустақил бўлгач, ИИБ қошида моддий-товар бойликларни олиб чиқиб кетишни назорат қилувчи давлат инспекцияси тузилиши ана шу тушунчанинг маҳсулидир.

Ойнан жаҳонда кўриб, радиодан эшитиб, кундалик матбуотдан ўқиб боришимиз. Янги бош бошқарманинг жойлардаги ходимлари диққатга сазовор ишларни амалга оширмоқдалар. Мўмай пулга юртошларининг

ризқини қияётган шахсларни фоида этиб, уларнинг лақмаллиги устидан кулганча ўзимизга керакли молларни қўлтиқлаётган ўзга юрт учарлари йўлга ғов қўймоқдалар.

АЛДАЁЛМАДИ

Яқинда Қўқон шаҳридаги темирйўл бекатида хизмат қилаётган давлат назоратчилари ҳам кўзга кўринарли ишни охирига етказдилар. Челябинск шаҳридан келган Альберт Кростошевский шахсий мол-мулкни олиб кетиниш учун темирйўл мутасаддиларидан контейнер

сўради. Аризасида ёзишча, у эски телевизор, китоб жавони, мебеллар, идиш-товоқлар — 70 минг сўмлик жиҳозларини ҳозир яшаб турган жойига ташиб кетишни лозим эди.

Бу ишга давлат назоратчилари аралашдилар. Сафарга тайёр қилиб қўйилган контейнерни очиб, текшириб кўришди. Буни қараганки, аризада кўрсатилган буюмларнинг бирортаси ҳам кўзга ташланмади. Аксинча, 6 та ошхона гарнитури йиғмаси, уч дона кир

ювадиган машина, 48 қути ҳинд чойи, коньяклар, термос, кир ювиш воситаларидан тортиб туфлини алтиратадиган мойгача бор.

Альбертнинг найрангги ўтмади. Бу моллар давлат фойдасига мусодара қилинди. Қўқонда отликқа ҳам топилаётган бундай нарсаларни Альберт қисқа вақт ичида қаердан топти, деган саволга терговчилар, албатта, жавоб топадилар, деб ўйлаймиз.

Биз учун қувонарли томони шундаки, ўзимизга керакли буюмлар ўзимизга қолди, Россиядан ташриф буюрган бир учар ўз ватанига бориб, бир сиқим қороз олдида виждонини сотган ўзбеклар устидан кулмайди-ган бўлди.

Мадамни РАЖАБ ўғли.

ҲАЛОЛ ЭКАН

«Хайрият, бу сафарги навбатчилик тинч ўтди», — деб ҳаёлидан ўтказди Жарқўрғон тумани ИИБ оператив навбатчиси Ўрол Тошпўлатов. Аммо шу дамда телефон жириглади.

— ИИБ навбатчиси эшитади!

— Кеча тунда 23 бош қўйларимни ўғрилаб кетишибди, ёрдам беринглар!

— Ўзингиз ким бўласиз, қаердан қўнғироқ қилясиз?

— Э, кечирасиз, Мама-сайд Менглиевман. «Сурхон» давлат хўжалигининг 2-бўлимида яшайман!

Айниқса, милиция фаолиятида вақт олтиндан қиммат. Жиноятни иссиғида очишга ҳаракат қилмасанг, кейинги чиранининг бир пул. Буни кечагина иш бошлаганлар ҳам яхши билади. Шу боис ИИБ бошлигининг оператив ишлар бўйича ўринбосари Эмүровдов рақбарлигида тезкор гуруҳ тузилди. Терговчи Ч. Чориев, ЖҚБ ходими П. Нурбоев, А. Ҳазратқулов, эксперт А. Пўлатов, ДАН инспектори Н. Мусулмонов, ҳайдовчи А. Абдуллаевлар зудлик билан воқеа жойига ошиқдилар.

Аниқлаганлари шу бўлдики, ўғрилар оёқларига резина туфли (крэсовка) кийиб, бу ишга қўл урганлар. Қўйларни беҳавотир ерга олиб борганларидан кейин эса резина туфлини ечиб, этик кийиб олганлар. Қисқаси изни йўқотганлар.

Лекин эксперт Алишер Пўлатов қўли эгрилар айёрлиги олдида қаловланиб қолмади. Маҳоратини ишга солди. Бошқалар ҳам ўз мулоҳазалари, амалий ҳаракатлари билан унга ёрдам беришди. Натижада «Бўстон» давлат хўжалиги ҳудудида истиқомат қилувчи Қудрат Мирзаев ва Холбой Тошевлар тажрибали терговчининг асосли саволларига жавоб қайтаролмай ожиз қолди. Ўғрилانган қўй-қўзилар эгасига қайтарилди.

18 февралга ўтар кечаси эса. «Коммунизм» жамоа хўжалигида истиқомат қилувчи Норбой Наримов уйига ўғри тушиб, боқувдаги қўйи йўқолди. Бу ишни ниҳоясига етказиш терговчи Ю. Умрзоқов, ЖҚБ ходими П. Нурбоев, участка вакили Ш. Шоймоновлардан иборат оператив гуруҳ зиммасига юклатилди.

Бу сафар ҳам вақт бой берилмади. Тумандаги пахта тозалаш заводи ипчилари Панжи Бердиев ва Эшдавлат Шоймоновлар ичиб олиб, қўшнилариининг қўйини ўғрилаган, кейин базм-жамшидни давом эттириш учун қабоб тайёрлашаётган эканлар.

Авалло ҳар икки жабрланувчининг қўй-қўзилари пана териз эвазига ортирилган экан. Қолаверса, милиция ходимларининг тезкорликларини моҳирликлари қўл келди. Акс ҳолда...

Эшмўмин НУКАРОВ, истеъфодаги милиция подполковниги.

Ҳаёт учун курашиш шундай қудратлики, унинг олдига табиат тўфонлари ҳеч нарса. Инсон эминдан чиккач, ёруғликка дафъатан рўбарў келганда, бир неча дақиқа михланиб қолади. Узинини йўқотиб, гарангсиганидан эмас, ҳажжондан, энтикишдан, кўзлари қамашганидан шундай ҳолга тушади. Нигоҳлари ёдуга ўрганиб қолгач, олға томон дадил одимлайди.

Ўзбек халқининг ҳам маълум маънода ўша одамга қиёс этса бўлади. Тасаввуримизга мутлоқ абадийлик муҳрини босган ССЖИнинг парчаланиб кетиши ва Ўзбекистоннинг муқтадирликка эришиши чиндан ҳам уйғониш давридир. «Ҳозирги қийинчиликларни уйғониш даврининг тўлғоғи дейиш мумкин», — дейди Андижон вилояти ИИБ бошлиғи милиция полковниги Ботир Раҳматович Парпиев.

БИЗНИНГ СУХБАТ

УЙҒОНИШ ТЎЛҒОҒИ

— Ботир Раҳматович, бугунги ҳаёт оқими, вазиятнинг мураккаблиги, иқтисодий инқироз, ахлоқ ва маънавиятдаги йўқотишлар ҳаммамизга аён. Турмуш тарзини, бошқарув усул ва шакллари ҳам кўтирилганидан ортиқ даражада тез ўзгариб борапти. Шу шароитда милиция фаолиятида ҳам янгиликлар бўляптими?

— Албатта. Бусиз мумкин эмас. Энг аввало халқ билан янада жипслашишга ҳаракат қилишимиз. Бу борада Комсомолбод тумани ИИБ ходимлари ташаббуси диққатга сазовордир. Бу ерда «Юрт ор-номуси учун» деб аталган кўнгилдилар жамияти фаолияти мизга катта наф беряпти. Қолаверса, ўтган йили водийдаги вилоятлар — Фарғона, Наманган, Ўш, Жалолобод ҳуқуқ-тартибот идоралари билан тузилган уйғунлаштирувчи кенгашида талай муаммоларнинг ечимини биргаликда муҳокама қилиб олганмиз, шу асосда ҳамкорликни кучайтиришимиз. Қисқаси иш услубимизни янгилашимиз.

— Халқ билан жипслашишга ҳаракат қилишимиз, дейсиз. Ваҳоланки, баъзи фуқаролар ҳамон милиция хизматидан қониқмаётганликларини очик-ойдин билдиришяптику?..

— Таънагизда қисман жон бор. Аммо ютуқларни айтган мақтанчоқ ёки лаганбардор, камчиликларни кўрсатган ҳақиқатчи бўлиб қолмайди. Яна фикримни давом эттирадиган бўлсам, бирёқдамалик хато мулоҳазага олиб келади. Биламан, айримлар бизларни умуман «ишламайди»га чиқариб қўйишяпти. Лекин улар биттагина жиноятни очиш жараёнида саломатлигимизни йўқотаётганимизни, умримизни қисқартираётганимизни билишмайди. Ишимизни менсимаётганлар ёки инкор этаётганлар қуролланган жиноятчини қўлга олишда қатнашиб кўрганларида, меҳри тошга айланиб, қонсираб турган қотилга юзма-юз келганларида эди, бўлар-бўлмас, асоссиз бўхтонларни ёдириндириш тирилиб туришарди, бунга имоним комил.

Кейинги пайтларда чайқовчилик бирмунча кучайиб кетди. Бунинг сабабини милициянинг ёмон ишлаётганидан эмас, иқтисодий танқисликдан қидириш ўринлироқдир. Ваҳоланки, ўтган йил давомида биз вилоятимиз ҳудудида 1 минг 115 та савдо

ташкilotларида текшириш ўтказдик. Савдога чиқарилмай, яшириб қўйилган анча-мунча молларни аниқлаб, айбдорларга нисбатан жиноий иш қўзғадик. Чайқовчилик мақсадида турли саноат молларини ташқарига олиб кетаётган 530 та машина тўхтатилди. 1991 йилнинг сўнгги икки ойи мобайнида моддий-товар бойликларни олиб чиқиб кетилишини назорат қилувчи давлат инспекцияси ходимлари томонидан 13 миллион сўмликдан зиёд қишлоқ хўжалиги, саноат, озиқ-овқат моллари, қурилиш материаллари қайтариб қилинди. Қатор рейдлар ўтказиш жараёнида талайгина чайқовчилар қўлга олинди, улар терговчилар билан «мулоқотлашди-лар». Мисол учун Андижон шаҳар умумий овқатланиш трестига қарашли «Спорт» кафеси буфетчиси яна бир ҳамтовроғи билан 3 минг дона «Рус ароғи»ни чайқов нархида пуллаётганда ушланди.

Ривоят қилишларича, қадимда бир мамлакатда ўғрилиқ шу даражада авж олиб кетибдики, подшо лашкарлари ҳам уни бартараф этишолмабди. Чорасиз қолган подшо маълум ва машҳур донишмандни ҳузурига чорлаб, бу борада маслаҳат сўрабди. «Сиз шундай фармон чиқарингки, юртингизда чўп ҳам қаровсиз қолмайдиган бўлсин», — деб маслаҳат берибди донишманд. Шоҳ ўша кунинёқ «Ким бирор нарсасини ўғрилатса, рафатда қолганлиги учун минг тилла жарима тўласин». Бундан бош тортишлар дорға осилсин», — деган мазмунда фармон чиқарибди. Ўша кундан эътиборан ҳар ким ўз мулкини кўз қорачиғидек асрашга одатланибди. Ўғрилар эса бу мамлакатда ўзлари учун нон қолмаганлигини ҳис қилиб, бошқа ўлкаларга равона бўлишди. Агар қиссадан ҳисса чиқарадиган бўлсак, ҳушёрлик ҳар биримиз учун сув билан ҳаводек зарур. Бошқача айтганда, ўзининг эҳтиёт қил, қўшининг ўғри тутма. Бизда шундай тушунча мавжудки, уйимиздаги мол-мулкнигина ўзимизники деб ўйлаймиз. Жамоат ва давлат мулки эса аксариятимизни мутлақо қизиқтирмайди. Мана, ўғри, муттаҳамларнинг тегирмонига нима сув қуймоқда!

Вилоятимизда 1 минг 937 та корхона ва ташкilot бор. Уларнинг аксарияти қоро-

вуллар томонидан муҳофаза қилинади. Аммо шу ерлардан кунда, кунора пинҳона ўмаришлар юз беряпти. Сабаби нима? Шу саволга жавоб топиш мақсадида бир кечанинг ўзидан 26 та қоровулни беҳосдан текширдик. Ишонасизми, уларнинг 14 нафари ухлаб ётишарди. Қулишни ҳам, куйишни ҳам билмайсиз. Уларнинг баъзилари шахсий мулк бўлмиш велосипедини қоровулхонага киритиб қўйишган. Миллионлаб сўмлик корхона мулки эса очикда назоратсиз қолиб кетган. Уларни ўғриласа майли, фақат велосипедга тегишмаса бўлгани. Ана сизга маош олиб ишловчи қоровуллар тушунчаси!

Қуйдаги рақамлар бизнинг қўл қовуштириб ўтирмаганимизни исботласа керак. Ўтган йили одам ўлдириш 20, номусга тажовуз қилиш 54, фирибгарлик 5,3, безорилик 7,7, ўлим билан якунланган йўл-улов ҳодисалари сони 39,3 фоизга камайтирилди.

— Агар ҳолис мушоҳада юритилса, сизларнинг хизматларингизни инкор этиш инсофдан эмас. Аммо мен бир нарсаси ҳайрон қоламани, қўлга киритилган мустақиллигимизни сақлаб қолиш ўткир муаммо бўлиб турган пайтда ўзгаларнинг қийин ҳисобига бойлик орттиришни эҳтиёр қилганлар сафи кенгайиб борапти.

— Сиз ҳақсиз. Эл бошига иш тушса, этик билан сув кечиш керак. Аммо нопокларга нима дейсиз! Ўтган йили давлат савдоси ва матлубот жамиятлари тизимида 522 та жиноят рўй берганлиги рўйхатга олинди. Бир ярим миллион сўмликдан ортиқ саноат ва озиқ-овқат моллари талон-торож қилинганлиги аниқланди. Олтинқўл туманидаги «Октябрь» жамоа хўжалиги мансабдор шахслари юз минг сўмликдан зиёд давлат мулкини ўзлаштирганлар. Қўрғонтепа туманидаги Ҳамза номли давлат хўжалигида 475 бош, Асака тумани матлубот жамиятига қарашли бўрдоқчилик фермасида 286 бош қўй ўз-ўзидан «ғойиб» бўлган. Бу ишлар билан шуғулланяпмиз.

Ўтган йили давлат мулкига хиёнат қилиб, ташмачилик билан шуғулланган 3 мингдан зиёд шахс ички ишлар идораларига келтирилди ва улардан 80 минг сўмлик маҳсулот тортиб олинди.

— Жиноятчиликнинг туб илдири нимада деб биласиз?

— Тарбиянинг нобоплигида. Аччиқ бўлса ҳам айтишга тўғри келади, нафақат ёшларимиз, балки айрим катта ёшдаги, катта лавозимдаги кишилар тарбиясизлиги жиноятчиликни кучайтиришга ҳисса қўшяпти. Жиноятчиликнинг асосий қисми ичкиликбозликдан бошланади. Бунга биласиз. Рақамларни қаранг, ўтган йили жамоат жойларида маст юрганлиги учун 11 минг 772 киши ИИБ-ларга келтирилди. Машинасозлик заводидан 37 киши, «Коммунар» заводидан 28 киши, ёғ-мой комбинатидан 16 киши, ип-газлама ишлаб чиқариш бирлашмасидан 48 киши тиббий хушёрхонада «меҳмон» бўлди. Ўйлаб кўринг, шуларнинг ҳар бири биттадан ўспиринни йўлдан оздирса, нима бўлади?

Келинг, мисолларни янада ойдинлаштирайлик. Қўрғонтепа туманидаги «Қаҳрамон» жамоа хўжалигининг ҳисобчиси Х. Матқосимов, Комсомолбод туманидаги «Партия XXIV съезди» давлат хўжалиги ҳисобчиси А. Ирисқулов, Балиқчи тумани агросаноат бирлашмаси бош иқтисодчиси Т. Ботиров, Олтинқўл туманидаги «Октябрь» жамоа хўжалиги агрономи Е. Абдурахимовлар маст ҳолатда улов рулини бошқарганлар. Ахир, улар нафақат ота, балки бир жамоанинг обрў-эътиборли раҳбарлари ҳамку. Энг ачинарлиси шундаки, сизу биз устоз, дея эъозлашга ўрганиб қолган халқ таълими вакилларида 29 нафари маст ҳолатда ички ишлар бўлимларига келтирилган. Ёки 25 нафар ўқитувчи турли жиноятлари учун жавобгарликка тортилганлар.

Халқимиз қуш уясида кўрганни қилади, дейди. Ўтган йили ёшлардан минг нафардан ортиғи хушёрхонада тунади.

— Энди нозикроқ бир саволим бор. Шоли курмаксиз бўлмаганидек, сизларнинг сафларингизда ҳам милицияга адашиб кириб қолганлар бор...

— Бу саволингиз бугунги кунда нозик эмас, балки ўткирдир. Афсуски, бошқа соҳаларда бўлгани каби бизнинг орамизда ҳам вазифасига нолийқ кимсалар бор. Иложи борица уларнинг баҳридан ўтишга ҳаракат қилишимиз. Ўтган йили 150 нафар ходимимизни вазифасига совуққонлик билан қараганлиги учун жазоладик. Бурчини сунистеъмол қилгани учун 37 нафар ходимни ишидан четлаштирдик.

Қўриб турибсиз, ҳар бир жабада ижтимоий уйғонинг фасли бошланяпти. Уйғониш тўлғоғининг эса азоби бўлиши табиий. Наҳора, чидаймиз, сабр қиламиз.

Сухбатдош
Абдухалил ҚОРАБОВ.

ЖУМҲУРИЯТ «ҚҮРИҚЛАШ» БИРЛАШМАСИДА

«Ҳамма яхши нарса болалар учун!» деган турғунлик йилларидаги машҳур шiori ким билмайди дейсиз. Ҳар қалай бу 70-йилларнинг бошида болалар боғчасига қатнаганларнинг эсида қолган экан. Марғилон шаҳрида яшовчи, ҳеч қаерда ишламайдиган икки дўст Шерали С. ва Рустам Ш.лар шундайлардан. Шунинг учун бўлса керак, улар якшанба кунини «Атлас» фирмасига қарашли боғча тарбияланувчилари ва уларнинг тарбиячилари кундалик ғала-говурдан сўнг дам олишаётганларида, ўғрилика тушдилар. У ердан уч дона «Славутич» белгили рангли телевизорни ўмаришди. Қирғули тумани ИИБ кинолоғи оддий милиционер А. Исоқов, «Рикки» лақабли хизмат ити билан биргаликда ўғри-дўстларнинг изига тушиб, уларни қўлга олди. Ҳозирда кичкинтойларнинг телевизорлари уларга хурсандчилик бахшида этишни қайтадан бошлаб юборди.

Моҳир овчидан қўни қочиб кета оладими! Йўқ, у албатта, тузоққа олинади. Бу фалсафа эмас, бўлган воқеа. Фақат қўни ролини оддий ўғри ўйнаган.

Акмал Икромов тумани ИИБ қошидаги қўриқлаш бўлими милиционери милиция кичик сержанти Е. Кистаубоев Фарҳод савдо растасида жойлашган 39-сонли воситачи дўкондан янграган: «Уш-ла, ўғрини!», — деган қичқирини эшитиб, ўша томонга шошилди. Дўкондан бир йигит қўлида алланарса билан ўқдай отилиб чиқди. Милиция ходимини кўриб, бежо кўзлари билан қаёққа қочишни билмай, бир мuddат тўхтаб қолди. Кўзи одамга тўла 40-сонли трикотаж дўконига тушдида, овчидан қочган қўнiday ўша томонга югурди. Дўкон ичидаги одамлар орасида «эриб» кетаман, деб ўйлади, шекилли.

Бунинг қарангки, айнан шу вақтда ушбу дўконда қўриқлаш бўлимининг катта назоратчиси милиция катта лейтенанти Г. Вартамян бўлган.

Хуллас, омади келмаган С. И. исмли ўғри-қўни ва 1800 сўмлик «Адида» спорт кийими ички ишлар бўлимига топширибди.

Москва ойнаи жаҳонда «Хайрли тун, кичкинтойлар!», деган хушчақчақ кўрсатуви бор. Унда ҳар хил қизиқарли мультфильмлар, болаларбоп ҳангомалар кўрсатилади. Бошқаларни билмайдан-у, менинг болаларим ундан кейин уйкуга кетишади. Таклифим, Ўзбекистон ойнаи жаҳонда «Хайрли тун, баловатга отмаганлар!» кўрсатуви ташкил қилинса. Негаки, улар кечаси кўчада эмас, ота-оналари ёнида бўлишсин. Ширин «алла»дан кейин ухлашсин.

Айтилган кўрсатуви йўқлигидан Уйчи кўрғонда яшовчи, ҳеч қаерда ўқимайдиган (ёш бўлгани учун ишга қабул қилинмаган) Абдуваҳиджон К. қоронғу кечада кўчага чиқди. Уйчи тумани матлубот жамиятига қарашли «Табассум» дўкони томонга равона бўлди. Манзилга етиб бориб, дўкон ойнасини синдирдида, ичкарига кирди. У ердан 5 минг сўмлик кийим-кечак ўғрилади.

Аммо ўша кунинёқ қўриқлаш бўлимидаги милиционер тоғалар қўлига тушди. Ўғрилланган нарсалар унга ташвишдан бошқа ҳеч нарса олиб келмади.

Э. РАҲМАТОВ,
милиция майори.

ВИЖДОНКАБОБ

Эҳтимол сарлавҳага қўзингиз тушиб, ҳайрон қолгандирсиз? Негаки, ишончимиз комилки, гўштан, жигардан тайёрланганни эшитгансизу виждонкабобни тасаввур ҳам қила олайсиз. Шунақаси ҳам бўларкан. Агар ишонмасангиз, Куйбишев туманидаги 16-ошхонага ташриф буюрингиз, кабобпаз Шухрат Хўжаевдан сўранг. Бу шов-воз 12 сик шашлик учун харидорнинг яхлит 50 сўм пулини олганда, 8 сўм қай-

тим берган. Нима, 8 сўм ортиқча олиб қолибди, дейсизми? Бу табиий, чунки у тайёрлаган кабоб оддий гўштдан эмас, балки ўз виждонидан эди-да.

Аммо Куйбишев тумани халқ судидаги ўртоқлар янги таомнинг оммалашувига мутлақо «қарши» эканлар. Виждонкабобдай нарсани кашф қилган одамни 400 сўм жаримага тортишса-я!

Маҳкам ҲАКИМОВ.



«Ачинмай илож йўқ. Ёшгина йигитча тақдирини доғлади. Вебошликнинг оқибати, мана, ниямаларга олиб келди».

Ҳамза тумани ИИБ ЖҚБ катта опернакили милиция майори Ж. Қўрғонбоев мотоцикл ўғрисига боқиб шуларни ўйларди. Ҳ. ШОДИЕВ олган сурат.

БЕДАРАК ИҲҚОЛГАННИНГ ТАҚДИРИ

УЙНАЛМАЙ ИҲҚОЛГАН НАРДА

Инсон юраги дош бериши кўп душвор бўлган бу воқеани баён қилишдан олдин Ўзбекистон туманидаги Яккатут қишлоғида истиқомат қилувчи Махмуджон ака Ғуломов, Рўзихон опа Ғаниевалардан минг бора узр сўрайман. Бир парча эт шаклидаги зурриёдни ёмон кўзлардан авайлаб-папалаб вояга етказгач, 17 ёшида мўйлаби сабза урган ўша фарзанд жасадини кўриш нақадар даҳшат! Аммо на иложки, бўлар иш бўлиб ўтган. Шу боис бошқалар қатори уларга сабр-тоқат тилашдан ўзга чорам йўқ.

Рўзихон опанинг ҳол-сизигина берган кўрсатмаси шундан иборат бўлди: Мирзохид 19 январь кун кеч соат 8 ларда ўртоқлари Фаррух, Аҳадлар билан нарда ўйнаш учун чиқиб кетган, аммо қайтиб келмаган. Тўғриси тани олиш керак, ота-она назарида у йигит бўлиб қолган, шу туфайли, бемаҳалда юришлари янгилик эмас. Аввалига келиб қолар, деб ўйлашди ва парво қилишмади. Афсуски, бу сафар уларнинг ўйлаганлари тўғри чиқмади: Мирзохидни ўзларича қидириб кўришди, яна фойдаси бўлмади. Кейин ноилж милицияга хабар қилишди.

Март ойининг бошларида эса Мирзохиднинг ҳоласи Қўқон шаҳрига борди. Ногаҳон автошоҳбехатда деворга осилган сурат ва эълон унинг диққатини тортди.

«ХУРМАТЛИ ФУҚАРОЛАР!»

1992 йил 22 февраль кун соат 14.30 лар чамасида Фарғона вилоятининг Фурқат туманидаги «Қўқон» совхозидан оқиб ўтувчи «Ўртақўрғон» ариғидан ёши 12-16 лар чамасида бўлган, мусулмон миллатига мансуб бола мурдаси қонга солинган ҳолда топилди. Мурданинг бўйи 166-168 сантиметр, бош ва оёқ кийимлари йўқ.

Устки кийимлари: — қора рангли куртка, чап чўнтагининг ёнида «Г» ҳарфига ўхшаб йиртилган жойи қизил ип билан тикилган;

— кўйлаги кичик-кичик катакли, оқ ва қизил йўллари бор, чўнтагининг қопқоғи ва ёқаси оқ матодан

тикилган; — шими кулранг матодан;

— брижаси (ички иштон) оч сийё рангда. Пайпоқлари кулранг ва сариқ рангда бўлиб, биттаси йиртиқ бўлган;



— мурда солинган қоннинг қора матодан ямоғи бўлган.

Ушбу факт бўйича бирор маълумотга эга бўлсангиз, Фурқат тумани ИИБга хабар қилишингизни сўраймиз.

— Ҳузуримга кириб келган аёлларни қабул қилдим, — дейди туман ИИБ бошлиғи милиция майори Абдужалил ака Жўраев. — Танишдик. Уларнинг бири Мирзохиднинг ҳоласи, иккинчиси эса онаси экан. Аммо улар мен кўрсатган расмдаги болани таний олишмади. Ўзимча фикр қилдим. Биз мурдани камида сувда ўн беш-йигирма кун ётгандан кейин топдик. Бунча муҳлатда у шибиб кетган, ўзгарган. Шунинг учун жабрланувчиларни уйларига юбориб, ўғилларининг уйдаги суратларидан олиб келишларини илтимос қилдим. Кейин таққослаб кўрдик. Чиндан ҳам бурун, кўз, умуман пешона қисми ўхшаш эди.

Шу орада Ўзбекистон тумани прокурори Холматжон ака Қорабоев ҳамда прокуратура терговчиси Авазхон Исомиддиновлар ёрдамга келишди. Ва шу тариқа мутахассислар мурда юрак ҳовучлаб ўтирган Рўзихон опанинг ўғли эканлигини аниқлашди.

Туман ИИБ бошлиғининг ўринбосари милиция капитани Соҳибжон Ворисов, ЖҚБ операкили милиция катта лейтенанти Охунжон Жўраев, участка вакили милиция капитани Раҳмонжон Назиров, БЕИН инспектори милиция лейтенанти Муҳиддин Шокиров, ёнгиндан сақлаш давлат инспекцияси ходими милиция кичик лейтенанти Муроджон Қўлдошев, ДАН инспектори милиция кичик сержанти Элмурод Эргашевлар калаванинг учи топилгач, қидирув ишларига зўр бердилар. Вилоят ИИБ ЖҚБ вакиллари милиция капитани Абдуфаттоҳ Мамажонов, милиция лейтенанти Аъзамжон Холқовлар ҳам улар билан ҳамкорлик қилишди.

— Тўғриси айтганда, мурда топилгандан бери оромимиз буткул йўқолганди, — деб ҳикоясини давом эттирди Абдужалил ака. — «Ўртақўрғон» ариғини ёқалаб бир неча ўн километрлаб яёв юрганларимизни қўверинг, ҳар бир паст-баландликлару бутазорлар орасини битта-ма-битта текшириб кўрганларимизни қўверинг. Бу ҳаракатларимиздан ҳеч нарса чиқавермагач, қўшни туманлар, вилоятлар, ҳатто чегарадош жумҳуриятлар ички ишлар идораларига ҳам даракномалар юборганмиз. Автобекатларга, чойхоналарга, одамлар гавжум жойларга эълон ёпиштириб, радиоюзелдан гапириб, фуқаролардан ёрдам сўраганмиз. Ана шу ҳаракатларимиз натижаси кўриниб қолганди.

Нихоят, 11 март кун эрталаб соат бешларда — етти соат ичида қидирув ишларига якун ясалди. 1971 йилда туғилган, вақтинча ҳеч қаерда ишламайдиган Аҳад Йўлдошев ва 1974 йилда туғилган Фаррух Ориповлар гумондор тариқасида қўлга олинди. Яккатут қишлоғида истиқомат қилувчи бу йигитлар муқаддам Мирзохид билан бирга майда ўғриликлар билан шуғулланишганини, кейин сирни бир марта фош этиб қўйганлиги учун уни ўлдириб, «Ўртақўрғон»га ташлаб юборишганини тан олишди. Нардани, унинг каллишларини, бўғишда ишлатилган чилвирларни сал беридаги ариқчага иргитишган. Милиция ходимлари ариқ сувини қуриштириб, ўша ашёвий далилларни ҳам топилди. Яна шу нарса маълум бўлдики, сув Мирзохиднинг мурдасини бир неча ўн кунлар давомида бағрига яшириб, охири Фурқат тумани ҳудудига олиб келган экан. Қолган гаплар эса тергов давомида аниқланади.

Ислом ХУДОЕР.

СЎЗ КЕТИДАН СЎЗ КЕЛУР

«МИЛИЦИОНЕР ҲАМ ОДАМ»

Хайрият, қайсибир томондан қуёш чиқиб, бизга ҳам сўз бериларкан. Мен ҳам шу имкониятдан фойдаланган ҳолда, Мукаррам опанинг гапларига қўшилиб (чин дилимдан), қўйдагиларни қўшимча қилмоқчиман. Биз ҳам қишлоқда яшаймиз. Хўжайиним милиционер. Чўстағи ички ишларда ишлайди. Утган 1991 йилда 2 маротаба госпиталда ётиб чиқди, ошқозони касалланиб. Ҳозир ҳам оғриб-оғриб юради барибир чидайди. Ахир, онлани боқиш керак. Ҳозир мен бекорчиман, болам ёш, ишга бораё десам, узоқлик қилади, бунинг устига сменали.

Декабрь ойидан бери хўжайиним ойлик олмайди. Ҳозирги бозор иқтисодиёти шароитида ойликсиз яшаб бўладими! Яқинда бир ярим мингга газ туширдик, ҳали уйимизнинг ичинини «атаплення» қилмаганмиз. Айтишларига қараганда, анчага бораркан.

Ҳар кун радио, телевизорга қарайман. Қани ўғай милиция ходимларига ҳам бирон нарсадан имтиёз берадиган ёки шароитини ўнглайдиган бирор фармон чиқармидан деб. Энди вақт бўлди, буларга ҳам қарашинсин. Милиционер бечоралардан фақат иш талаб қилишади. Улар ҳалқни ҳимоя қилади, буларнинг ўзига ким қайишади! Вақт-бевақт келади ишдан. Хабар беришга телефон йўқ. Мана шунақа гаплар. Энди шаҳардаги милиция ходимларининг шароитини билмайман-у, қишлоқда шунақа. Аслида мен опанинг мақоласини бошқа жумҳурият газетасида чиқишини хоҳлардим. Чунки бизга ўхшаганлар кўп бўлса керак. Қайси бирининг дардини ёзиб улгурасизлар.

Рўзнома масаласига келсак, бир сонини ҳам қолдирмай ўқийман. Вақти келса, хўжайинимга чой ичветган пайтида ўқиб ёки мазмунини айтиб бераман.

МАРҲАМАТ,
Варзик қишлоғи.

Яқинда рўзномада, янглишмасам, Тошлоқ туманилик бир аёлнинг мақоласи босилган эди. Милиция ходимининг рафиқаси бўлиш бу аёл эрининг юмушлари кўп-лигидан, топиш-тутишининг баракаси йўқлигидан нолиган ва ниҳоят қизларга: «Милиционерга турмушга чиқманглар, умрингиз азобда ўтади!» — деб хитоб қилган эди.

Қўш тилини қўш билар, аёл қалбини аёл, деганлар. Шу боис, танимасам-билмасамда, ўша аёлга қўлимдан келганича далда беришни ўз бурчим деб билдим.

Менинг турмуш ўртоғим Муҳаммаджон Мамажонов ҳам ички ишлар соҳасида ўттиз йилдан кўпроқ ишлади. Оддий милиционерликдан ИИБ бошлиғи лавозимигача кўтарилди. Унвони милиция подполковниги даражасига етгач, истеъфога чиқди. Тўғриси айтганда, ўттиз йилдан кўпроқ давр мобайнида милиционернинг ёри бўлиш айтмоққа осон. Бояги синглим ёзганидек, тик ётса эшикка тикилиб, узоқ тунларни бедор ўтказган пайтларим кўп бўлган. Шунча йил мобайнида эрта тонгда остона ҳатлаб чиқишларидан бошлаб, яна қайтиб келгунларигача яратгандан у кишига соғлиқ ва тинчлик тилаб ўтирганман. У пайтларда ички ишлар соҳасида моддий таъминотни қўверинг, маънавий рағбат ҳам ҳозиргидан яхши бўлмаган. Ким нима деса дейверсин, менинг фикрим шундай. Аммо бари-бир бирор марта у кишининг юзларига тик боқмадим, маошингиз оз, лекин даҳмазаси катта, деган таънани билдирмаганман. Доимо яхши сўзим билан у кишига дармон, мадад бўлишга ҳаракат қилардим.

Эсимда, бизлар хонанда Гулсара Ёқубова «Милиционер ёрим бор» деган ашуласини биринчи айтган даврда турмуш қурган эдик. Бу ашулани ҳануз яхши кўраман, гўёки менинг қўшиғимдек туюлади. Худога шукурки, турмуш ўртоғим фақат милицияда хизмат қилган бўлсаларда, эл-юрт назаридан четда қолмаган эканлар. У кишини шаҳар Кенгашига ноиб этиб сайлашган. Бу ҳам халқ меҳрию ҳурмати билан белгилайди, менимча.

Шундай экан, милиционерларга турмушга чиққан сингилларимга оғир бўлинг, эрингизни доимо ширин каломингиз билан руҳлантириб турунг, дегим келади.

Офтобхон МАМАЖОНОВА,
Советобод шаҳри.



ШИША СОЯСИДАН ҚОЧАРДИ

Мен ахлоқ тузатиш муассасаларида 12 йилдан ошқоқ ишлаганман. Ҳозирда тиббий бўлим бошлиғиман. Менга С. Аҳмедовнинг «Оёқ кўрпага қараб ўзатилади», Мукаррамнинг «Милиционер ҳам одам» мақолалари жуда ёқди.

Аммо таъкидлашим керакки, рўзномада ахлоқ тузатиш муассасалари ҳаёти деярли ёритилмайд.

Мазкур муассасада ҳам муаммолар тўлиб-тошиб ётибди. Масалан, бу ерда ишлар 40-50-70 йиллар олдин чиқарилган турли-туман бе-маъни кўрсатмалар, йўл-йўриқлар асосида олиб борилади.

Назаримда, бугунги кун талабидан келиб чиқиб, шу даврга мослаштирилган қўлланма, қонунлар ишлаш фурсати етди. У шундай қонун-қоида бўлсинки, юртимизга оқиб келаётган «юзи қаро-

лар» ташрифига чек қўйсин. Яна шундай бўлсинки, миллатидан қатъий назар уларга ҳамма бўйсунсин.

Менинг рўзномасевар сифатида яна бир тақлифим бор. Рўзноманинг ҳажми оширилса (нархига розимиз), «Диққат, ўғри», «Фоҳиша», «Қотил» сингари руқилар очилиб, унда жиноятчи шахсларнинг асл исм-шарифлари, манзилгоҳлари, расмлари бериб борилса.

Эсимда авваллари Олтиариқ тумани марказида эълонлар тахтаси бўларди «Диққат, ароқхўр!» деган ёзув остида яшил оғуға имонини қўшиб ичаётганининг расми ҳам ёпиштирилган. Айниқса, бозор кунлари туманот одам уни томоша қиларди. Энди «қаҳрамон» аҳволини бир тасаввур қилинг-а! Маҳалла-кўйда ҳамманинг иззатига учраган шахс ишшанинг соясидан ҳам қочарди.

Муҳаммад СИДДИҚ.

Қўқон шаҳар ички ишлар бўлими навбатчилик қисми ходими милиция капитани Содикжон Маъмуров ички ишларда 1972 йилдан бери хизмат қилиб келади.

СУРАТДА: С. Маъмуров навбатдаги хабарни қабул қилипти.
Ғ. УБАЙДУЛЛАЕВ
олган сурат.

Милиция кун арафасида бўлган эди бу воқеа... Ўша кунга атаб мақола қилиш учун вилоят рўзномасидан мухбирлар келишган эди. Биз улар билан касбимизнинг муаммолари, қийинчиликлари хусусида суҳбатлашиб турганимизда, туполон чиққани ҳақида хабар келди. Оператив гуруҳ йўлга тушди. Бизга мухбирлар ҳам қўшилди.

Меҳмонхонага етиб борганимизда, у ерда ҳамма ёқ остин-устун бўлиб ётарди. Эркин деган бир «эркатой»имиз бўларди. Ҳеч жиноят устида қўлга туши-

«ЭРКАТОЙ»

ролмай юргандик. Худди шу ерда жанжал чиқарган экан. Эркин анчадан буён шаҳардаги жиноий гуруҳни бошқариб юрар, бу ерда ўзини хон, қўлажасини майдон, деб ҳисобларди. Ўша кун ҳам меҳмонхонада яшаб турган «Инкомбанк» ходимларининг олдига келган экан. Ният — улар кўраётган фойданинг 25 фоизини олиш. Албатта, «Инкомбанк»чилар бу талабга қўншмаган ва калтақлар ос-

тида қолишган... Биз борганимизда, Эркин уларнинг қўйлақларини йиртиб ташлаган, 8 минг сўм пуллари-ни олиб қўйган экан.

Уни қўлга олиш осон кечмади. Не бир қилиқларини қилдики, айтишга ҳам ўнғайсиз. Икки ўртада материал қиламан, деб келган мухбирлар таёқ еб қолишди.

Суд уни тўрт йил муддатга озодлидан маҳрум этди. Мана энди шаҳар тинчиб қолган ҳозир.

Қозим ҲАЙДАРОВ,
Гулистон шаҳар ИИБ терговчиси.

КАТТАЛАР АЙБДОР

Йўллардаги ташвишли аҳволни тан жароҳатлари олаётганлар, бевақт дунёдан кўз юмаётганлар сонидан ҳам билса бўлади. Аммо энг ачинарлиси, улар ичида болаларнинг борлигидир. Шу йилнинг икки ойи мобайнида 8 бола нобуд бўлган, 125 нафари турли жароҳатлар олган. Агар таҳлил қилинса, йўллардаги бахтсизликлар туфайли бир умр майиб-мажруҳликка учраётганларнинг ўртача ёши 7-14. Улар йўллардаги вужудга келган қалтис вазиятларда ўзларини қандай тутиш лозимлигини билмайди. Чунки, кўпчилиги оддий йўл ҳаракати қоидаларидан ҳам беҳабар.

10 февраль куни ўн ёшли Даврон кесиб ўтиш ниятида йўлдан югуриб ўтаётганди. Афсуски буни кутмаган ҳайдовчи уни уриб юборди. Даврон касалхонага етмай жон берди.

Бу ерда ким айбдор? Менимча, болаларга йўл ҳаракати қоидаларини бошланғич таълим давридан оқ ўргатиш зарур.

Шу хусусда Даврон ўқиган 216-мактабда текшириш ўтказилди. Маълум бўлишича, кичик синфларда йўл ҳаракати хавфсизлиги бўйича бурчаклар ташкил этилган. Ҳаракат хавфсизлиги дарслиги буйруқ билан мустаҳкамланган. Бироқ бу борада ўқувчиларнинг билимлари имтиҳон қилинганда, ниҳоятда паст савияда эканлиги билинди. Дарс юзаки олиб борилиши, амалий машғулотлар билан мустаҳкамланмаслиги аён бўлди. Албатта, бу биргина шу мактабга тааллуқли эмас.

Мазкур мақолага материал тўплаб эканман, мактабда ўқийдиган укамдан сўрадим.

— Мактабларингда йўл ҳаракати қоидалари, йўлда қандай юриш кераклиги ҳақида бирон нарсаси ўқитиларми?

— Йўқ. Мен барча мактабларда ҳам аҳвол шундай, бунинг учун кимларнидир айблаш керак, деган фикрдан йироқман. Фақат шаҳар, туман халқ таълими бўлимидагиларнинг шу нарсаси жиддийроқ аҳамият беришларини истардим, холос.

Болалар йўлда ўзларини қандай тутишлари лозимлигини билимаслигида ота-оналарнинг ҳам айби каттадир. Бундан ташқари ота-оналар ўз фарзандларини билим олишга жўнатишар экан, мактабдан чиққач, қаёққа боради, нима билан машғул бўлади, билишмайди.

Юнусобод даҳасида яшовчи, 271-мактаб ўқувчиси Аваз ота-онасининг ишда эканлигидан фойдаланиб, «ГАЗ-24» белгили уловнинг калитини олади. Енига 9 ёшли Музаффарни ўтиргизиб, шаҳар айланишнинг нияти қилган.

Аммо «билагон» тормоз ўрнига «газ»ни босиб, тўғрида турган гаражга бориб урилган. Болалар тан жароҳатлари билан касалхонага ётқизилган. Мабодо Аваз машинани катта, серкатнов йўлга олиб чиқолганида борми... Албатта, бунда айб фақат ота-онада.

Матбуотда болаларни бахтсизликдан асрашда ота-оналар, тарбиячилар, муаллимлар таъсирини ошириш хусусида кўплаб гапирилмоқда. Қанчалик биз катталар бу ишга тезроқ киришсак, натижаси биз кутгандек бўлишига аминман.

Р. СОЛИЕВ.

ТАНТАНАЛАР ДАВОМ ЭТАДИ



Тошкент шаҳар ички ишлар бошқармаси тиббиёт бўлими ва Ўзбекистон ИИБ ўрта махсус милиция мактабидан бўлиб ўтган



Наврўз тантаналаридан лавҳалар. Сайдали СУЛТОНОВ ва Ҳабибулла ШОДИЕВ олган суратлар.

Айтайлик, улфатлар билан аввал бир шиша ароқ, устидан бир неча шиша пиво ичиб, кайфи ошиб қолган йигит ундан кейин нималар қилиши мумкин? Саволга жавобни ўзини айта қолайлик. Агар озгина ор-номус ва одамгарчилиги бўлса, обрўсининг борида уйига равона бўлади, то мастлиги таркамгунча ётиб дам олади, ўзгаларнинг кўзига кўринмайди.

Ичиб олгач, ўзини шер биладиганлар тоқфасига мансуб шахслар эса ўша шиша дошлари ёки бошқа бирор ўткинчи билан ўртада нифок келтириб чиқариши ҳам мумкин. Ҳаётда бунақаларни ҳам кўп учрайди. Яна бир хил йигитлар ҳам борки, ароқ деб аталмиш захри қотил

унинг армонларини қайта тирилтиради. Аввалига ўзини ҳаётда беқиёс даражада хўрланган, деб фаҳмлайди ва ўзгаларга андуҳ тўла юрагини очади. Кейин... кеч бўлсада, тақдир ёзига нисбатан исён кўтармоқчи бў-

ТАЪМАГИР «КУЁВ»

лади. Хуллас, энди мақсадга яқинлашиб қолдик.

Тошкент вилоятининг Калинин туманида истиқомат қилувчи Эргашбек Зиёдбеков ўзининг судда айтишига қараганда, улфатлари билан «Жанубий шоҳбекат»га бориб ички-

ликбозлик қилган. Ботир исмли ўртоғи гапласи бахтини сақлаб қолди, қўни-қўшнилари олдида гап-сўзларга йўл қўймаслик учун йигитдан ундай қилмаслигини сўраган. Аммо муҳаббати «топталган кўёв» шу дақиқадаёқ ўзини ўнглаб олган.

Сих ҳам куймасин, кабоб ҳам, деган нақлга амал қилиб, она билан ўзаро келишмоқчи бўлган. Хуллас, ундан 500 сўм талаб қилган.

Бу ишни кўриб чиққан Октябрь тумани халқ суди аъзолари ва унда иштирок этганлар ушбу воқеа ўзлари учун кўз кўриб, кулоқ эшитмаган ҳол эканлигини ҳозиргача гапириб юришибди.

Х. МАҲКАМОВ.

Она она-да. Хафаланган бўлсада, ўз боласи бахтини сақлаб қолди, қўни-қўшнилари олдида гап-сўзларга йўл қўймаслик учун йигитдан ундай қилмаслигини сўраган. Аммо муҳаббати «топталган кўёв» шу дақиқадаёқ ўзини ўнглаб олган.

Сих ҳам куймасин, кабоб ҳам, деган нақлга амал қилиб, она билан ўзаро келишмоқчи бўлган. Хуллас, ундан 500 сўм талаб қилган.

Бу ишни кўриб чиққан Октябрь тумани халқ суди аъзолари ва унда иштирок этганлар ушбу воқеа ўзлари учун кўз кўриб, кулоқ эшитмаган ҳол эканлигини ҳозиргача гапириб юришибди.

Х. МАҲКАМОВ.

ЧАЙҚОВЧИ БИЗДАН КУЧЛИ

Икки йилдан бери Асака шаҳар ИИБда пост-патрул хизмати оддий милиционерни бўлиб ишлаб келяпман. Касбимни яхши кўраман, халқимиз манфаатларини ҳимоялашга аҳд қилганман, ҳануз аҳдимга содиқман. Аммо ўзимизга боғлиқ бўлмаган камчиликлар мени доимо қийнайди.

Кўпинча мендан: «Дехқон бозорида чайқовчилар жуда кўпайиб кетган, қачон йўқотасизлар?» — деб сўрашади. Жавоб беролмай қоламан. Баъзилар эса: «Булар эски, тажрибали чайқовчилардан у-бу ундириб туришади, шунинг учун адашиб бозорга келиб қолганларни қувиш билан овора», — деб бўхтон ёдиришади. Яна жим туришдан ўзга иложим йўқ.

Сабабини яна бир марта айтиб ўтай. Мисол учун мен жума ва якшанба кунлари Асака шаҳридаги дехқон бозорида вазифамни ўтайман. Маъмурий ҳуқуқбузарлик мажмуасининг 171-моддаси билан чайқовчиларнинг адабини беришни зиммамга олганман. Аммо қўлларим боғлиқ. Нега деганда, ўша модда талабларига биноан чайқовчи ўз буюминини ҳаридорга сотаётганда, ўша буюминини, ўша буюм учун берилаётган пулни олиб, чайқовчи ва харидорни қочиб юбормаслигимиз, айтиш вақтида иккита ҳолис гувоҳ топишимиз лозим. Бусиз барча ҳаракатлар бефойда, сариқ чақага ҳам арзимай қолаверади. Аммо гувоҳни қаердан топасиз?

Ҳар ҳафтада шу ерда бўлгандан кейин фуқаро кийимида юрсангиз ҳам, кунда-шунда чайқовчи таниб олади. Қўлидаги буюминини кўз-кўз қилиб, иршайганча тураверади. Қорангиз ўчмагунча сотмайди. Сиз эса кўриб-кўрмасликка олиб кетишга мажбурсиз.

Қаллобликка энди қўл ураётганлар эса бизни танитай қолади ва шу тариқа қўлга тушади.

Шу ўринда: «Маъмурий ҳуқуқбузарлик мажмуасининг 170-моддаси ҳам борку», — дейишингиз мумкин. Ўша моддага мослаб ҳужжат тўпласангиз, айбдор огоҳлантирилади ёки 10 сўм жарима тўлайди. Эртаси кун эса фаолиятини яна давом эттираверади.

Ё, тавба, деб ёқа ушлайсан, киши. Милиция ходими давлат одами бўлса ҳам, чайқовчининг чайқовчи эканлигини исботлашда гувоҳга муҳтож, чайқовчи чайқовчи эмаслигини аниқлаш учун эса гувоҳнинг кераги йўқ.

Шу туфайли аниқ бир иш қила олмаймиз.

Муродхон МАҚСУДОВ,

Асака шаҳар ИИБ пост-патрул хизмати милиционер.

Муҳаррир
Зокир ОТАЕВ.

МАНЗИЛГОҲИМИЗ: 700029,
Тошкент, Лопатин кўчаси, 1.

Телефонлар: муҳаррир—54-37-91, муҳаррир ўринбосари — 39-77-23, муҳаббатлар бўлими—59-26-56, 59-20-92, ушбу бўлим—59-21-21.

Обуна рақами — 64615.
44272 нусхада чоп этилди.

Ўзбекистон Жумҳурияти «Шарқ»
нашриёт-матбаачилик концерни
босмахонаси. 700083, Тошкент,
Ленинград кўчаси, 32.

* Кўчириб босишда «Постда»дан эканлигини кўрсатиш шарт. * Мақолада келтирилган рақамлар, фактлар ва бошқа маълумотлар учун, шунингдек, оқинг эълон қилиниши мумкин бўлмаган маълумотлар учун муаллиф жавобгар ҳисобланади. * Муаллифнинг мулоҳазаси таҳририят фикрига мос тушмаслиги мумкин. * Қўлёзма-лар таҳлила қилинмайди ва қайтарилабмайди.